

摘藻堂四庫全書薈要

經部

命修校尚書自孔安國据壁藏古文為全經作傳後
惟蔡沈親受朱子之傳著為集傳義最該備
而訓詁考證尚未精覈是編彙萃衆說略短
取長大要雖裒蔡傳而於制度名物道里山
川益加詳審是萬古

治世之大法實備於此固不僅為說經標準已也乾
隆三十九年九月恭校上

總纂官臣紀昀臣陸錫熊臣孫士毅

總校官 臣 陸 費 墀

欽定四庫全書薈要卷七百七十四

經部

欽定書經傳說彙纂卷首上

引用姓氏

秦

孔氏

鮒

子魚

呂氏

不韋

漢

孔氏

臧

伏氏勝

董氏仲舒 寬夫 廣川

孔氏安國 子國

司馬氏遷 子長

劉氏向 子政

孔氏光 子夏

劉氏歆 子駿

揚氏雄 子雲

班氏固 孟堅

桑氏欽

趙氏岐 邠卿

馬氏融 季長

賈氏逵 景伯

鄭氏興 少贛

鄭氏衆 仲師

鄭氏康成

應氏 劭 仲瑗

許氏 慎 叔重

蔡氏 邕 伯喈

李氏 巡

魏

孔氏 衍 舒元

高堂氏 隆 升平

王氏 肅 子邕

孫氏炎叔然

吳

韋氏昭弘嗣

陸氏璣元恪

晉

杜氏預元凱

皇甫氏謚士安

郭氏璞景純

宋

范氏 蔚宗

梁

劉氏 勰 彥和

後魏

酈氏 道元 善長

隋

王氏 通 仲淹

關氏朗

唐

陸氏元朗
德明

顏氏師古
摛

孔氏穎達
仲達

賈氏公彥

司馬氏貞

張氏守節

李氏 延壽

劉氏 知幾

徐氏 堅 元固

韓氏 愈 退之 昌黎

柳氏 宗元 子厚

杜氏 佑 君卿

後晉

劉氏 昫

宋

邢氏 曷 叔明

聶氏 崇義 洛陽

胡氏 旦 周父

胡氏 瑗 翼之 安定

歐陽氏 脩 永叔 廬陵

周子 敦頤 茂叔 濂溪

邵子 雍 堯夫 康節

王氏 安石 介甫 臨川

司馬氏 光 君實 涑水

張子 載 子厚 橫渠

程子 顥 伯淳 明道

程子 頤 正叔 伊川

曾氏 鞏 子固 南豐

蘇氏 軾 子瞻 東坡 眉山

蘇氏 轍 子由 穎濱

范氏 祖禹 淳夫 華陽

顧氏 臨 子敦

呂氏 大臨 與叔 藍田

孫氏 覺 莘老

家氏 安國 復禮 眉山

劉氏 安世 器之 元城

沈氏 括 存中

楊氏 時 中立 龜山

陳氏 祥道 用之 長樂

胡氏 安國 康侯

劉氏 彝 執中 長樂

蔡氏 卞 元度

彭氏 汝礪 器資

張氏 綱 彥正

葉氏 夢得 少蘊

曾氏 旼 彥和

吳氏 穢

才老

胡氏 寅

明仲

致堂

薛氏 季宣

士龍

林氏 之奇

少穎

三山

程氏 大昌

泰之

王氏 十朋

龜齡

梅溪

張氏 行成

文饒

夏氏 俟

元肅

柯山

鄭氏樵 漁仲 夾漈

林氏光朝 謙之

張氏九成 子韶 橫浦

朱子熹 元晦 考亭

張氏栻 敬夫 南軒

呂氏祖謙 伯恭 東萊

蔡氏元定 季通 西山

陳氏傅良 君舉 止齋

楊氏萬里 廷秀 誠齋

黃氏度 文叔

項氏安世 平甫 容齋

陸氏九淵 子靜 象山

王氏炎 晦叔 雙溪

葉氏適 正則 水心 龍泉

易氏祓 彥祥

蔡氏沉 仲默 九峰

黃氏 榦 直卿 勉齋

陳氏 淳 安卿 北溪 臨漳

陳氏 埴 器之 潛室

董氏 銖 叔重

薛氏 肇明

陳氏 經 正甫 三山

羅氏 泌 長源

羅氏 革

時氏 澗 金華

成氏 申之 眉山

傅氏 寅 同叔 杏溪

趙氏 敦臨 芑民

董氏 琮 玉振 復齋

徐氏 僑 崇文 毅齋

李氏 舜臣 隆山

鄭氏 伯熊 景望 永嘉

方氏 慤 性夫 嚴陵

王氏 昭禹 光遠 東巖

應氏 鏞 子容 金華

鄒氏 補之 公袞

真氏 德秀 景元 西山

魏氏 了翁 華父 鶴山

王氏 應麟 伯厚

董氏 夢程 萬里 介軒

陳氏大猷 東齋 東滙

熊氏禾 去非 退齋又號勿軒

方氏岳 秋崖

方氏回 萬里 虛谷

劉氏克莊 潛夫 后村

程氏若庸 達原 微菴

馬氏廷鸞 翔仲 碧梧

黃氏震 東發

吳氏泳 鶴林

王氏日休 龍舒

唐氏聖任

章氏如愚 俊卿 山堂

鄭氏元瑤

李氏杞 子材 謙齋

李氏樗 迂仲

馮氏當可 時行 縉雲

許氏月卿 太空 山屋

朱氏方大

王氏柏 魯齋 會之

陳氏振孫 伯玉 直齋

張氏震 真父

張氏沂

陳氏賓

李氏謹思 明通 養吾

鄒氏近仁

魯卿

歸軒

史氏漸

鴻漸

胡氏士行

廬山

胡氏方平

師魯

玉齋

齊氏夢龍

覺翁

節初

俞氏震

袁氏俊翁

元

許氏 衡 平仲 魯齋

金氏 履祥 吉父 仁山

吳氏 師道 傳正

許氏 謙 益之 白雲 東陽

吳氏 澄 幼清 草廬 臨川

馬氏 端臨 貴與

戴氏 表元 率初

黃氏 潛 晉卿

黃氏瑞節 觀樂

胡氏一桂 庭芳 雙湖

董氏鼎 季亨 鄱陽

陳氏櫟 壽翁 定宇 新安

鄒氏季友 晉昭 番陽

段氏昌武 子武

王氏天與 立大 梅浦

彭氏應龍 翼夫 集齋

朱氏祖義子由

王氏充耘耕野

余氏芑舒德新息齋

陳氏師凱廬山

王氏希旦愈明葵初

金氏燧番陽

黃氏鎮成元鎮

李氏初一初

于氏 欽 益都

胡氏 一中 允文

何氏 異孫

林氏 駟 寧德

余氏 闕 廷心 一字天心

明

朱氏 升 允升

方氏 孝孺 希哲 正學

陳氏雅言 永豐

蔣氏悌生 叔仁

楊氏士奇 初名寓以字行號東里

薛氏瑄 德溫 恭軒 河津

彭氏勛 祖期

章氏陬 仲寅

錢氏福 與謙 鶴灘

王氏守仁 伯安 陽明 姚江

邱氏濬 仲深 瓊山

楊氏慎 用修 升菴

何氏喬新 廷秀

胡氏居仁 叔心 敬齋 餘干

邵氏寶 二泉 北虞

龐氏泮 原化

蔡氏清 虛齋

何氏孟春 子元 彬州

陸氏 深 儼山

羅氏 欽順 整庵

魏氏 校 莊集

呂氏 枏 仲木 涇野

韓氏 邦奇 汝節 苑洛

鄭氏 曉 室甫 淡泉

吳氏 寬 原博 匏菴

都氏 穆 元敬

李氏 瓚

莫氏 如忠 子良 中江

馬氏 明衡 子萃

馬氏 森 孔養

張氏 居正 時大 太岳

申氏 時行 瑤泉

李氏 維楨 本寧

茅氏 坤 鹿門

王氏 樵 方麓

羅氏 洪先 念菴

歸氏 有光 熙甫 震川

鍾氏 天才 學山

鍾氏 庚陽 長卿

馮氏 夢禎 開之 具區

顧氏 憲成 叔時 涇陽

楊氏 時喬 止菴

湯氏 顯祖 若士 義仍

劉氏 應秋 兌陽

袁氏 宗道 伯修

董氏 其昌 思白

焦氏 竑 弱侯 漪園

王氏 肯堂 宇泰 損齋

盧氏 廷選

來氏 宗道 路然

郝氏敬 仲興 京山

胡氏璣 伯玉

洪氏翼聖 南池

來氏斯行 道之

姚氏舜牧 虞賜 承菴

陳氏第 季立 連江

陸氏鍵 實府 開宗

袁氏仁

俞氏鯤之鵬

杜氏偉道升

袁氏黃了凡

萬氏國欽二愚

顧氏錫疇九疇

曹氏學佺能始石倉

秦氏繼宗

張氏爾嘉余峰

傅氏 元初 漢溪

潘氏 士遴 叔獻

錢氏 與暎

楊氏 肇芳 葆元

鄧氏 孝儒 伯羔

張氏 雲鸞 羽臣

夏氏 允彞 彞仲

茅氏 瑞徵 伯符

王氏綱振振子

李氏儒烈

鄒氏禎期

徐氏廣廣居

孫氏繼有瑤岑

龐氏招俊

沈氏澣則新

董氏二酉

顧氏霖調

朱氏養醇


袁氏默

章氏士俊

以上五人未詳世次
今附於此

書傳圖

唐 虞 夏 商



堯典歷象授時之圖



林氏之奇曰日行一度月行十三度十九分度之七星者四方之中星也角亢氐房心尾箕凡七十五度斗牛女虛危室壁凡九十八度四分度之一奎婁胃昂畢觜參凡八十度井鬼柳星張翼軫凡一百一十二度共為三百六十五度四分度之一辰則日月所會也正月會亥辰為娵訾二月會戌辰為降婁三月會酉辰為大梁四月會申辰為實沈五月會未辰為鶉首六月會午辰為鶉火七月會巳辰為鶉尾八月會辰辰為壽星九月會卯辰為大火十月會寅辰為析木十一月會丑辰為星紀十二月會子辰為玄枵○蔡氏沈曰歷所以紀數之書象所以觀天之器如下篇璣衡之屬是也日陽精一日而繞地一周月陰精一月而與日一會星二十八宿衆星為經金木水火土五星為緯皆是也辰以日月所會分周天之度為十二次也

堯 典 四 仲

春分日在昴初昏

仲春

鶉鳥正七宿之中

星鳥




中 星 圖 上

金史四十五

卷首上

夏至日在星初昏

仲夏



大火正七宿之中

星火

堯 典 四 仲

秋分日在房初昏

仲秋



星虛正七宿之中

星虛

中 星 圖 下

冬至日在虛初昏

仲冬




星昴正七宿之中

星昴

鄭氏伯熊曰二十八宿環列於四方隨天而西轉東方七宿自角至箕是為蒼龍以次舍而言則房心為大火之中南方七宿自井至軫是為鶡鳥以形而言則有朱鳥之象虛者北方七宿之中星也昴者西方七宿之中星也星本不移附天而移天傾西北極居天之中二十八宿半隱半見各以其時所以必於南方而考之仲春之月星火在東星鳥在南星昴在西星虛在北至仲夏則鳥轉而西火轉而南虛轉而東昴轉而北至仲秋則火轉而西虛轉而南昴轉而東鳥轉而北來歲仲春鳥復轉而南矣循環無窮此堯典考中星以正四時甚簡而明異乎呂令之星舉月本也然聖人南面視四星之中豈徒然哉凡以授民時秩民事而已

虞書日永短之日圖




黃氏鎮成曰日永晝六十刻謂夏至之日也日晝四十刻謂冬至之日也日中於夏永冬短為適中晝夜皆五十刻謂春分之日也宵中於夏冬為適中晝夜亦各五十刻謂秋分之日也

閏月定時成歲之圖

陳氏祥道曰考諸傳記五日為候三候為氣六氣為時四時為歲歲之氣二十有四而候七十有二然則一月之內六候二氣朔氣常在前中氣常在後朔氣在晦則後月閏中氣在朔則前月閏朔氣有入前月而中氣常在在是月中數周則為歲朔數周則為年是年不必具四時而歲必具十二月也二十四氣播於十二月之中中朔大小不齊則氣有十六日者有十五日七分者是以三十三月已後中氣在晦不置閏則中氣入後月矣

歲法三百五十四日三百四十八分

日法計九百四十分



歲餘法一萬二千二百一十七分

月法二萬七千七百五十九分

袁氏俊翁曰案一歲閏率餘十日八百二十七分十九年共餘一百九十日一萬五千七百一十三分得全日二百六十六日六百七十三分前後通置七閏四小三大則二百六十六日盡矣尚餘六百七十三分自此以下每章七閏通前餘分不滿全日則四小三大通前餘分已過全日則三小四大餘分通而積焉所謂十九年七閏而氣朔分齊者不過取其全日得齊而餘分竟不能齊焉若使朔日子初初刻冬至則氣朔之餘分齊矣才差一二刻則尚有未盡之餘分者矣

欠
三
日
五
分


欽定書經傳說彙纂

三
七

七政之圖

月

月行十三度十九分度之七二十七有奇行一周天二十九日九百四十分日之四百九十九而與日會其行有九道




日

日行一度循二十八舍歲行三百六十五度四分度之一而為一周天行西陸謂之春行南陸謂之夏行東陸謂之秋行北陸謂之冬


班氏固曰歲星曰東方春木於人五常仁也五事貌也仁虧貌失逆春令傷木氣罰見歲星歲星所在國不可伐可以伐人熒惑曰南方夏火禮也視也禮虧視失逆夏令傷火氣罰見熒惑太白曰西方秋金義也言也義虧言失逆秋令傷金氣罰見太白辰星曰北方冬水知也聽也知虧聽失逆冬令傷水氣罰見辰星填星曰中央季夏土信也思心也仁義禮知以信為主貌言視聽以心為主故四星皆失填星乃為之動

五辰之圖



孔氏穎達曰五行之時即四時也
 禮運曰播五行於四時土寄王四
 季故為五行之時也○胡氏旦曰
 五行在地為物在天為時順其時
 而撫之春盛德在木布德施惠所
 以順木辰夏盛德在火勞民勸農
 所以順火辰秋盛德在金冬盛德
 在水禁暴誅慢謹蓋藏歛穡聚所
 以順金水之辰土寄旺四時四辰
 順土在其中矣○陳氏師凱曰自
 立春後木旺七十二日立夏後火
 旺七十二日立秋後金旺七十二
 日立冬後水旺七十二日季春辰
 土旺十八日寄在立夏前季夏未
 土旺十八日寄在立秋前季秋戌
 土旺十八日寄在立冬前季冬丑
 土旺十八日寄在立春前季共七
 十二日通為三百六十日

明魄朔望之圖



武成
旁死魄

哉生明

既生魄

康誥

哉生魄

召誥

既望

丙午朏

顧命


哉生魄

畢命

庚午朏

朱子曰日為魄月為魄魄是黯處魄死則明生明生之時大盡則初二小盡則初三月受日之光常全人望在下卻在側邊了故見其盈虧不同且如月在午日在酉則是近一遠三謂之弦至日月相望則日在西月在東人在中得以望見其光之全自十六日生魄之後其光之遠近如前之弦謂之下弦至晦則日與月相杳月在日後光盡體伏矣○蔡氏沈曰死魄朔也二日故曰旁死魄哉始也始生明月三日也生魄望後也日月相望謂之望既望十六日也朏月出也三日明生之名始生魄十六日○黃氏鎮成曰朔蘇也晦而復蘇明於是乎生焉上弦月行漸遠於日以周天言之近日九十一度有奇遠日二百七十四度有奇是近一遠三上弦在八日其常或退在九日其變也望月行甚遠而與日對相去百八十二度六十二分有奇望在十五日其常或進在十四日或退在十六日其變也下弦月行過中遠日二百七十四度有奇近日九十一度有奇亦近一遠三下弦在二十二日其常或進在二十一日或退在二十三日其變也


虞書璣玉衡之圖



蔡氏沈曰美珠謂之璿璣機也以璿飾璣所以象天體之轉運也衡橫也謂衡簫也以玉為管橫而設之所以窺璣而齊七政之運行猶今之渾天儀也○為儀三重其在外者曰六合儀以其上下四方於是可考故曰六合次其內曰三辰儀以其日月星辰於是可考故曰三辰其最在內者曰四遊儀以其東南西北無不周徧故曰四遊○吳氏澄曰地平單環徑八尺闊五寸厚一寸半天經雙環徑八尺闊五寸厚八分兩環合一寸六分天緯單環徑七尺八寸一分闊九分厚五分三辰雙環徑七尺四寸八分闊一寸八分厚七分兩環合一寸四分黃赤二道單環徑七尺二寸一分闊九分厚六分四遊雙環徑六尺二寸八分闊一寸八分厚八分半兩環合一寸七分直距銅板二長各如四遊環內徑闊一寸六分厚八分望筒長隨直距方一寸六分兩端方掩方一寸七分中間圓孔徑七分半地平之下繫以龍柱四各高七尺七寸植於水槽上一名水平其臺為十字或為方井中鑿水道相通行水以激機輪


日 月 冬 夏 九 道 之 圖

胡氏一中曰日有中道月有九行說見洪範本傳今以陽歷陰歷之說推之凡月行所交以黃道內為陰歷外為陽歷冬入陰歷夏入陽歷月行赤道冬至夏至後赤道冬入陽歷夏入陰歷月行白道冬至夏至所交之宿當黃道西北至所交之宿亦如之



春入陽歷秋入陰歷月行赤道春分秋分後赤道南立春立夏後赤道南至所交之宿當黃道春入陰歷秋入陽歷月行黑道春分秋分後赤道北至所交之宿當黃道四序離為八節至陰陽之所交皆與黃道相會故月行有九道所謂日月之行則有冬有夏也


五聲八音圖



卷首上


周禮大司樂以六律六同五聲八音六舞大合樂以致鬼神示以和邦國以諧萬民以安賓客以說遠人以作動物凡六樂者文之以五聲播之以八音。陳氏祥道曰五聲起於黃鍾黃鍾為宮管九寸九之則其數八十一三分宮去一而下生徵其數五十四三分徵益一而上生商其數七十二三分商去一而下生羽其數四十八三分羽益一而上生角其數六十四以上生下皆三生二以下生上皆三生四數多者濁數少者清聲濁者大聲清者細大不踰宮細不踰羽徵之聲又清於角角之聲又清於商。

六律呂圖




陳氏祥道曰先王因天地陰陽之氣而辨十有二辰因十有二辰而生十有二律其長短有度多寡有數輕重有權損益有宜始於黃鍾終於中呂黃鍾太簇姑洗損陽以生陰林鍾南呂應鍾益陰以生陽蕤賓夷則無射又益陽以生陰大呂夾鍾中呂又損陰以生陽何則黃鍾至姑洗陽之陽也林鍾至應鍾陰之陰也陽之陽陰之陰則陽息陰消之時故陽常下生而有餘陰常上生而不足蕤賓至無射陰之陽也大呂至中呂陽之陰也陰之陽陽之陰則陽消陰息之時故陽常上生而不足陰常下生而有餘然則自子午以左皆上生子午以右皆下生矣

河圖數圖




劉氏歆曰虞羲氏繼天而王受河圖而畫之八卦是也禹治洪水賜洛書法而陳之九疇是也河圖洛書相為經緯八卦九章相為表裏○關氏朗曰河圖之文七前六後八左九右洛書之文九前一後三左七右四前左二前右八後左六後右○邵子曰圓者星也星紀之數其肇於此乎方者土也畫州井地之法其放於此乎蓋圓者河圖之數方者洛書之數故羲文因之而造易禹其叙之而作範也○朱子曰河圖以五生數統五成數而同處其方蓋揭其全以示人而道其常數之體也洛書以五

洛書數圖



奇數統四偶數而各居其所蓋主於陽以統陰而肇其變數之用也○洛書之次其陽數則首北次東次中次西次南其陰數則首西南次東南次西北次東北也合而言之則首北次西南次東次東南次中次西北次西次東北而究於南也○蔡氏元定曰自孔安國劉向父子班固皆以為河圖授羲洛書錫禹關子明邵康節皆以十為河圖九為洛書蓋九宮之數戴九履一左三右七二四為肩六八為足正龜背之象也惟劉牧臆見以九為河圖十為洛書託言出於希夷其易置圖書竝無明驗


九疇本洛書數圖



一合九而為十，二合十而為二十，三合十而為三十，四合十而為四十，五合十而為五十，六合十而為六十，七合十而為七十，八合十而為八十，九合十而為九十。此洛書以十合虛數，而為四十九者，則以實數相合而為五十矣。

九疇相乘得數圖


五行五事
相乘為二
十五




庶徵不與
五相乘故
不言五




五福五紀
相乘為二
十五




三德
相乘
為九




六極
相乘
為三十六



稽疑七
相乘為
四十九




八政
相乘
為六十四



右五疇相乘象天圓而有變

右四疇相乘象地方而無變

箕子洪範



九疇之圖



皇極居

九疇虛五

九疇合八

皇極虛五無數也九

合為十者二合為十五者亦



疇外有六極用十也


二總而為大衍之數五十

次五圖

用十之圖

疇數之圖

大衍洪範本數圖



大衍之數五十者一
與九為十二與八為
十三與七為十四與
六為十五與五為十
共五十也其用四十
有九者一用五行其
數五二用五事其數
五三用八政其數八
四用五紀其數五五
用皇極其數一六用
三德其數三七用稽
疑其數七八用庶徵
其數五九用五福六
極其數共十有一積
算至五十也不曰一
而曰極大衍所虛之
太極也

虞書律度

黃鍾八寸十分一

林鍾五寸十分四

太簇七寸十分二

南呂四寸十分八

姑洗六寸十分四

應鍾四寸二分三分二

蕤賓五寸六分三分二

大呂七寸五分三分二

夷則五寸四分三分二

夾鍾六寸七分三分一


無射四寸四分三分二

仲呂五寸九分三分二

司馬遷曰王者制事立法
物度軌則壹稟於六律六
律為萬事根本焉○班氏
固曰數者一十百千萬也
所以算數事物順性命之
理也本起於黃鍾之數始
於一而三之三三積之歷
十二辰之數十有七萬七
千一百四十七而五數備
矣○孔氏穎達曰律者候
氣之管而度量衡三者法
制皆出於律○度者分寸
尺丈引所以度長短也本
起於黃鍾之管以子穀秬
黍中者以一黍之廣度之


量之衡圖

度



以銅為之長一丈二寸高三寸

衡



稱上謂之衡
稱鉉謂之權

量



以銅為之外圓內方
上為斛下為斗左耳
為升右耳為合而
附于石合之下

千二百黍為一分十分為寸十寸為尺十尺為丈十丈為引○量謂合升斗斛所以量多少也本起於黃鍾之龠以子穀秬黍中者千有二百實為一龠十龠為合十合為升十升為斗十斗為斛○衡者銖兩斤鈞石所以稱物知輕重也本起於黃鍾之龠一龠容千二百黍重十二銖兩之為兩十六兩為斤三十斤為鈞四鈞為石○黃氏鎮成曰案十龠當作合龠

虞書諸侯

五玉


桓圭



信圭



躬圭



穀璧



蒲璧




卷首上

周禮典瑞公執桓圭侯執信圭伯執躬圭子執穀璧男執蒲璧○蔡氏沈曰五玉五等諸侯所執者即五瑞也○陳氏師凱曰桓圭周禮疏云桓若屋之桓楹桓宮室之象所以安其上也四植謂之桓柱之豎者豎之則有四稜也桓圭蓋以桓為瑑飾長九寸○信圭躬圭周禮注云信當作身皆象以人形為瑑飾欲其慎行保身皆長七寸○穀璧蒲璧周禮注云穀所以養人蒲為席所以安人蓋以穀蒲為瑑飾皆徑五寸不執圭者未成國也案大宗伯云七命賜國子男五命故云未成國也○黃氏鎮成曰陸佃云信圭直躬圭屈為人形誤矣

玉帛之圖

黃



三帛

玄



纁



雉

一死



鴈



羔

二生




孔氏安國曰三帛諸侯世子執纁公之孤執玄附庸之君執黃二生卿執羔大夫執鴈一死士執雉所以為贄以見之○孔氏穎達曰附庸雖則無文而為一國之主則亦當繼小國之君同執帛也帛必有色王肅云三帛纁玄黃也周禮孤與世子皆執皮帛鄭云束帛而表之以皮為之飾也此不言皮蓋於時未以為飾○羔小羊取其羣而不失其類也鴈取其候時而行也雉取其守介死不失節也曲禮云贄諸侯圭卿羔大夫鴈士雉雉不可生知一死是雉二生是羔也

虞書二十

龍



辰星



日



蟲華



山



月



卷首上

孔氏穎達曰日月星
山龍華蟲六者畫以
作繪施於衣也宗彝
藻火粉米黼黻六者
紵以為繡施之於裳
也周禮司服注云此
古天子冕服十二章
也至周而以日月星
辰畫於旌旗冕服九
章登龍於山登火於
宗彝尊其神明也○
陳氏祥道曰星五星
也辰十二次也華蟲
也宗彝虎彝雖彝
也粉米粉其米也黼

章服之圖

宗彝



火




黼



藻



米粉



黻




白黑文也黻黑青文也日月星辰在天成象者也山龍華蟲宗彝藻火粉米黼黻在地成形者也○蔡氏沈曰日月星辰取其照臨也山取其鎮也龍取其變也華蟲雄取其文也宗彝虎雌取其孝也藻水草取其潔也火取其明也粉米白米取其養也黼若斧取其斷也黻為兩已相背取其辨也


虞書

堂上樂器圖

球



琴



孔氏穎達曰球玉也樂器惟磬用玉故球為玉磬○陳氏祥道曰考工記磬氏為磬倨句一矩有半其博為一股為二鼓為三分其股博去一以為鼓博三分其鼓博以其一為之厚蓋磬方中矩則倨句一矩有半觸其弦也其博為一股疑一律也股為二後長二律鼓為三前長三律也股非所擊也短而博鼓其所擊也長而狹黃氏鎮成曰樂記云舜作五絃之琴以歌南風明堂位云大琴大瑟中琴小瑟四代之樂器也樂書云琴長八尺一寸正度也廣雅云琴長三尺六寸六分象三百六十有六日五絃象五行大絃為君寬和而溫小絃為臣清廉不亂桓譚新論云五絃第一絃為宮其次商角徵羽文王武王各加一絃以為少宮少商


瑟




陳氏祥道曰樂記云清廟之瑟朱絃而疏越越底孔也疏通之也朱絃練而朱之也蓋絲不練則勁而聲清練則熱而聲濁孔小則聲急大則聲遲故疏越以遲其聲不失於太急練絲以濁其聲不失之太清舊圖雅瑟長八尺一寸廣一尺八寸二十三絃其常用者十九絃頌瑟長七尺二寸廣尺八寸二十五絃盡用之

堂下樂器圖

管




鼓鼗



周禮大司樂圜丘孤竹管方丘孫竹管宗廟陰竹管○鄭氏康成曰管如笛併兩而吹之○郭氏璞曰管長尺圍寸併漆之有底賈氏以為如篪六孔黃氏鎮成曰周官小師掌教鼓鼗鼗瞽掌播鼗蓋鼗之播也有瞽矇者有眡瞭者而其制鄭氏以為如鼓而小有柄持而搖之旁耳自擊是也周禮圖曰鼗所以節樂


祝



故




笙




孔氏穎達曰樂之初擊祝以作之樂之將末憂故以止之釋樂云所以鼓祝謂之止所以鼓故謂之蕤郭璞云祝如漆桶方二尺四寸深一尺八寸中有椎柄連底撞之令左右擊止者其椎名也故如伏虎背上有二十七鉏鋸刻以木長一尺標之蕤者其名也

陳氏祥道曰周禮笙師掌教吹竽笙爾雅太笙謂之巢小者謂之和先儒謂笙列管匏中施簧管端大者十九簧小者十三簧笙長四尺黃金鏐為之蓋衆管在匏有巢之象故大笙曰巢大者倡小者和故小笙曰和

鏞




簫



考工記鳧氏為鍾兩樂謂之鈇鈇間謂之于于上謂之鼓鼓上謂之鈺鈺上謂之舞舞上謂之甬甬上謂之篴鍾縣謂之旋旋蟲謂之幹鍾帶謂之篆篆間謂之枚枚謂之景于上之攏謂之隧○聶氏崇義曰樂鈇謂鍾口兩角于鍾脣之上祛也鼓所擊處甬銜鍾柄也旋蟲以鍾為飾也帶介於鼓鈺舞甬銜之間枚擊之處也○蔡氏沈曰鏞大鍾也詩賁鼓維鏞是也

應氏劭曰簫參差象鳳翼○郭氏璞曰大者編二十三管長尺四寸小者十六管長尺二寸○孔氏穎達曰韶是舜樂簫乃樂器○蔡氏沈曰簫古文作箭舞者所執之物箭韶蓋舜樂之總名今文作簫故先儒以簫管釋之

黼 黻




聶氏崇義曰司几筵云凡大朝覲大饗射凡封國命諸侯王位設黼依暗注云斧謂之黼其繡白黑采以絳帛為質依其製如屏風賈釋云諸文多作斧字若據采色而言即績人職白與黑謂之黼若據繡於物上即為金斧之文近刃白近釐切曲恭黑則曰斧取金斧斷割之義屏風之名出於漢世故引為況舊圖云從廣八尺畫斧無柄設而不用之義○陳氏師凱曰正義云禮有斧宸置於宸地因名為宸據爾雅則宸自是戶牖間地名以屏置其地因亦名屏為宸

圭瓚有盤



周彝




白




陳氏祥道曰祿圭尺有二寸大璋中璋九寸邊璋七寸圭璋其柄也瓚其勺也柄則圭璋純玉為之三璋之勺則飾以金焉玉人所謂黃金勺青金外是也先儒謂凡流皆為龍口瓚槃大五升口徑八寸下有槃口徑一尺然古者有圭瓚璋瓚而無下槃有鼻而無龍口先儒之說蓋漢制歟書序班宗彝○孔氏穎達曰周禮有司尊彝之官鄭云彝亦尊也鬱鬯曰彝然則盛鬯為彝盛酒為尊皆祭宗廟之酒器也陳氏祥道曰爾雅白中尊周禮人廟用修謂漆尊也修讀曰白謂獻饌切象之屬然白盛鬯而獻象之屬盛酒則白獻象異矣其飾或漆或畫不可考也


冕




冕麻



弁綦



弁雀



聶氏崇義曰天子吉服有九冕服六弁服三司服云王祀昊天上帝則服大裘而冕祀五帝亦如之享先王則衮冕享先公饗射則鷩冕祀四望山川則毳冕祭社稷五祀則絺冕祭羣小祀則玄冕兵事韋弁服眡朝皮弁服凡甸冠弁服論語云麻冕禮也漢制度云冕制皆長尺六寸廣八寸前圓後方王用白玉珠十二旒三公諸侯青玉七旒卿大夫黑玉五旒蔡氏沈曰雀弁赤色弁也綦弁以文鹿子皮為之○陳氏師凱曰文鹿子皮其皮赤質白文者也安國以雀弁為韋弁蓋以周禮凡兵事韋弁服也


介圭



琬



瑁



璋



琰



孔氏安國曰介圭大圭尺二寸天子守之瑁所以冒諸侯圭以齊瑞信方四寸邪刻之半圭曰琬。孔氏穎達曰考工記鎮圭尺有二寸天子守之鎮圭圭之大者介訓大故知是彼鎮圭禮又有大圭長三尺摺於紳帶不是天子所守之大圭也天子執瑁所以冒諸侯之圭以齊瑞信猶今之合符也周禮典瑞云四圭有邸以祀天兩圭有邸以祀地圭璧以祀日月璋邸射以祀山川從上而下遞減其半知半圭曰璋也

陳氏祥道曰書曰琬琰在西序典瑞曰琬圭以治德琰圭以易行玉人曰琬圭九寸琰圭九寸蓋琬圭圓而宛之也琰圭剡而有鋒也

豆




筭



邊





玉几



聶氏崇義曰舊圖豆高尺二寸漆赤中大夫以上畫赤雲氣諸侯飾以象天子加玉飾皆謂飾口足也鄭注周禮云豆以木為之受四升口圓徑尺二寸有蓋盛齏醢菹醢之屬豆宜濡物邊宜乾物故也邊以竹為之口有滕緣形制如豆亦受四升盛脯脩膾鮑糗餌之屬

陳氏祥道曰鄭氏釋曲禮云圖曰簞方曰筭簞筭飯器也然書曰衣裳在筭則筭亦盛衣○周禮五几莫貴於玉几書之四几莫貴於華玉几馬融曰几長三尺阮謏曰几長五尺高二尺舊圖几兩端赤中央黑

簠有蓋



鐸木




鼎



孔氏穎達曰周禮小宰云正歲帥理官之屬而觀治象之法徇以木鐸禮有金鐸木鐸鐸是鈴其體以金為之舌有金木之異木鐸木舌也周禮教政人以金鐸通鼓大司馬教振旅兩司馬執鐸明堂位云振木鐸於朝是武事振金鐸文事振木鐸也陳氏祥道曰鼎下有足上有耳體有大小侈弇之別用有牛羊豕魚之異舊圖天子之鼎飾以黃金諸侯飾以白金容一斛大夫羊鼎飾以銅容五斗士豕鼎飾以鐵容三斗而牛羊豕鼎各狀其首於足上聶氏崇義曰簠以竹為之長三尺廣一尺深六寸足高三寸如今小車簠案少牢禮云勺爵觚觶實於簠又燕禮云君臣異簠其單言簠者臣簠也言膳簠者君簠也又有玉幣之簠有盛食之簠

編磬



干




羽




聶氏崇義曰小胥職云凡縣鐘磬半為堵全為肆注云鐘磬編縣之二八十六枚而在一篳篥謂之堵鍾一堵磬一堵謂之肆○陳氏師凱曰編鍾編磬所以用十六枚者蓋十二律當十二枚又有四清聲作四枚共十六枚也

孔氏安國曰干楯羽翳也皆舞者所執脩闡文教舞文舞于賓主階間○孔氏穎達曰明堂位云朱干玉戚以舞大武是武舞執斧執楯詩云左手執籥右手秉翟是文舞執籥經云舞干羽即亦舞武也傳惟言舞文者以不用於敵故教為文也○聶氏崇義曰舞師掌教兵舞帥而舞山川之祭祀教羽舞帥而舞四方之祭祀兵舞謂干戚也羽析白羽為之舞者所持以指麾又蔽翳其身也

太常




鼓鼓




聶氏崇義曰案巾車王乘玉輅建太
 常十有二旂以祀又觀禮注云王建
 太常綵首畫日月其下及旂交畫升
 龍降龍綵皆正幅用絳帛為質旂則
 屬焉又用弧張綵之幅又畫枉矢於
 綵之上故輶人云弧旌枉矢是也凡
 旌旗之枉皆注旄與羽於竿首故夏
 采注云綵以旄牛尾為之綴於幢上
 其枉長九仞其旂曳地又左傳云三
 辰旂旗昭其明也據杜鄭二注皆以
 三辰為日月星蓋太常之上又畫星
 也舊圖旂首為金龍頭案唐制云金
 龍頭銜結綬及鈴綵則古注旄及羽
 於竿首之遺制也○鼓鼓兩面鼓鼓
 人職曰鼓鼓軍事注云大鼓曰鼗
 長八尺鞀人云鼓長八尺鼓四尺
 西中圓加三之一謂之鼗鼓注云中
 圓加三之一者加於面之圓以三分
 之一也


鉞



旄



干



戈



陳氏祥道曰書曰左杖黃鉞鉞斧也斧莫重於鉞黃鉞以金飾其柄也蔡氏沈曰旄軍中指麾白則見遠麾非右手不能故右秉白旄也陳氏祥道曰周禮司兵掌五兵五盾五盾干櫓之屬五兵之用長以衡短短以救長則人持其一矣盾則夫人而有之書曰比爾干干欲其比則夫人有之可知也○盾以革為之其繫之也以繡韋其屬繡韋以紛書曰敵乃干則敵者繫以紛也聶氏崇義曰考工記云戈廣二寸內倍之胡三之援四之注云戈今之句可戰內謂胡以內接秘者也長四寸胡六寸援八寸援直刃也胡其牙也疏云胡牙橫歛微邪向上不倨不勾似磬之折殺也秘長六尺六寸

矛



冑



矢



弓




陳氏祥道曰苗矛常有四尺夷矛王尋凡矛上銳而旁勾上銳所以象物生之芒旁勾所以象物生之勾苗言其就夷言其易短者其體就長者其體易此矛之辨也

孔氏穎達曰說文云冑兜鍪也兜鍪首鎧也經典皆言甲冑秦世已來始有鎧兜鍪之文古之甲用皮秦漢已來用鐵鎧鍪二字皆從金蓋用鐵為之因以作名也

陳氏祥道曰周禮司弓矢掌六弓王弓弧弓合九而成規夾弓庾弓合五而成規唐弓大弓合七而成規王弧王之弓唐太諸侯之弓夾庾大夫之弓王弧則彫之唐大則彤之荀卿曰大夫黑弓則夾庾黑之可知○矢葉長三尺羽長六寸刃長二寸方言曰闕束謂之矢闕西謂之箭江淮之間曰鏃

大輅



聶氏崇義曰
 巾車掌王之
 五輅玉金象
 革四輅其飾
 雖異其制則
 同今特圖玉
 輅之一兼太
 常之旂以備
 祭祀所乘其
 車式倣考工
 記輪軹之崇
 鞞輅之狀輻
 內輻外之制
 大穿小穿之
 殊盖之所居
 鉉音乞之所在
 觀之則諸輅
 皆可知矣

堯制五服圖

荒服

三百里蠻

要服

三百里夷

綏服

三百里蠻夷

侯服

三百里蠻夷

甸服

三百里蠻夷

冀州在此服

面各一千五百里

王畿

內治田不貢

五百里為天子

五百里

侯服

五百里

綏服

五百里

要服

五百里

政教

兩面相距五千里

五百里甸服
五百里男服
五百里采服
五百里衛服
五百里蠻服
五百里夷服
五百里鎮服
五百里藩服

商七廟之圖

西

穆 祧

祖 太

祧 昭

中

穆

昭

中

穆

昭

東

蔡氏沈曰天子七廟三昭三穆與太祖之廟七七廟親盡則遷必有德之主則不祧毀○陳氏師凱曰注疏引王制云天子七廟三昭三穆與太祖之廟而七祭法云王立七廟曰考廟曰王考廟曰皇考廟曰顯考廟曰祖考廟遠廟為祧有二祧劉歆馬融王肅皆以七廟為天子常禮所言二祧者王肅以為高祖之父及祖也并高祖以下共為三昭三穆耳中庸或問云商之七世三宗其詳今不可考又云周穆王時文王親盡當祧而以有功當宗故別立一廟於西北而謂之文世室至共王時武王親盡當祧而亦以有功當宗故別立一廟於東北而謂之武世室自是以後則穆之祧者藏於文世室昭之祧者藏於武世室

商遷都之圖

相

耿

亳

囂

書序仲丁遷于囂河亶甲居相祖
乙圮于耿盤庚五遷將治亳殷○
孔氏安國曰自湯至盤庚凡五遷
都○孔氏穎達曰仲丁是太戊之
子河亶甲仲丁弟也祖乙河亶甲
子盤庚陽甲弟○囂在陳留浚儀
縣皇甫謐云仲丁自亳遷囂在河
北或云今河南教倉二說未知孰
是相在河壯耿在河東皮氏縣耿
鄉是也殷亳之別名則亳殷即
一都也亳鄭以為偃師皇甫以為
梁國穀熟縣○蔡氏沈曰孔氏謂
湯遷亳仲丁遷囂河亶甲居相祖
乙居耿并盤庚遷殷為五邦然以
不常厥邑于今五邦今不承于古
文勢考之則盤庚之前當自有五
遷史記言祖乙遷邢或祖乙兩遷
也

周營洛邑圖

卷首上

東京

黎水

瀍

西京

伊

澗

洛


河



中岳

蔡氏沈曰河朔黎水河北水交流之內也澗水東瀍水西王城也朝會之地瀍水東下都處商民之地王城在澗瀍之間下都在瀍水之外其地皆近洛水○陳氏師凱曰蘇氏曰黎水黎陽也黎陽今大名路濟州也地有黎陽津亦名白馬津史氏云澗瀍之東西即洛之中也澗水之東即洛之偏也同名為洛而王城頽民之居不同非洛自為洛澗瀍自為澗瀍洛邑居天下之中伊洛澍澗實周流於其間天子南向則澗水在洛之右瀍水在洛之左周公於澗瀍之中營王城以建王居定郊社宗廟是為郊鄆之地今河南是也又循之左越瀍水之東復營下都名曰成周又曰東郊以居殷民今洛陽是也二城相距十有八里

名詁土中圖



蔡氏沈曰洛邑天地之中故謂之土中。○陳氏師凱曰大司徒云以土圭之法測土深正日景以求地中日南則景短多暑日北則景長多寒日東則景夕多風日西則景朝多陰日至之景尺有五寸謂之地中天地之所合也四時之所交也風雨之所會也陰陽之所和也然則百物阜安乃建王國焉鄭司農云土圭之長尺有五寸以夏至之日立八尺之表其景適與土圭等謂之地中今潁川陽城地為然案步占之說以為日與地相去一萬五千里為地之中土圭長一尺五寸以一寸準千里案宇記云河南登封縣測景臺高一丈周廻十六步縣北有陽城山○王氏昭禹曰土圭橫植於地於圭之端立表以表端之日景與土圭相齊無過不及然後見地之中

欽定四庫全書


金史卷之五
卷首上

島夷



流沙
析支

隨



澮 畎 濬

澮

縱 濬

畎 濬				濬			畎 濬
畎 濬				濬			一 井 之 田

每一目當一井

百井謂之一成

卷首上

周禮考工記
 耜廣五寸二
 耜為耦一耦
 之謂之田深
 尺謂之畎二
 首倍之廣二
 尺深二尺謂
 之井濬九夫
 井深四尺謂
 之井濬四里
 尺深四尺謂
 之溝成方十
 為成深八里
 謂之澮方百
 里為澮二澮
 達於川澮專
 下之勢兩

距川圖

三

洫			畛				洫
之一 田成			畛				洫

每一目當百井

百成謂之一同

畛

三

縱洫

山川之有間必
上焉必有大川
九蔡氏沈曰
川之也周禮一
畝之尺間廣一
深之尺間廣二
同深之尺間廣
尋深二畝間曰
澮畝有溝間有
有澮皆通田注
水之道以小注
大也先決九
川之海使各
通於水次濬
各畝通於水
使

禹貢任土作貢之圖

兗

田中下
賦貞
土黑墳

貢漆絲
篚織文

冀

賦上上錯
田中中
土白壤

雍

田上上
賦中下
土黃壤

貢球琳琅玕

青

田上下
賦中上
土白墳

貢鹽絺海物絲枲
鈐松怪石
篚縻絲

豫

田中上
賦錯上中
土壤下土墳壚

貢漆枲絺紵
篚織纊
錫磬錯

梁

田下上
賦下中三錯
土青黎

貢璆鐵銀鏤砮磬
熊羆狐狸織皮

徐

田上中
賦中中
土赤埴墳

貢土五色夏翟孤桐
浮磬蠙珠魚
篚玄纁綺

揚

田下下
賦下上上錯
土塗泥

貢金三品瑤琨篠簜
齒草羽毛木
篚織貝
包橘柚

荊

田下中
賦上下
土塗泥

貢羽毛齒革金玳瑁
包匭菁茅納錫大龜
篚玄纁織組

蔡氏沈曰林氏曰冀州先賦後田者冀王畿之地天子所自治併與場圃園田漆林之類而征之如周官載師所載賦非盡出於田也故以賦屬於厥土之下餘州皆田之賦也故先田而後賦又案九州九等之賦皆每州歲入總數以九州多寡相較而為九等非以是等田而責其出是等賦也冀獨不言貢篚者冀未封內之地無所事於貢篚也○篚竹器篚屬古者幣帛之屬則盛以筐篚而貢焉經曰篚厥玄黃是也林氏曰有貢又有篚者所貢之物入於篚也○鄭氏元瑤曰召公曰明王慎德四夷咸賓無有遠邇畢獻方物惟服食器用予觀禹貢九州貢篚亦以服食器用為要而冀州獨不言貢篚者蓋畿甸之內賦其總銓秸粟米也總銓秸粟米者食為土貢之要也充之蠶絲豫之絺紵是衣服之用亦為土貢之要也自服食之外則器用次之若夫大賂南金犀草象齒珠貝之類非服食器用之物貴其土產也皆遠於畿甸

而或貢於要
荒之服也

欽定書經傳說彙纂卷首上

謹按第二十五頁圖內二十四氣日出入時刻惟
立春雨水清明穀雨立夏處暑白露霜降立冬
九候與今時憲書所載相符其餘並有遲速蓋
緣古法分一日爲百刻今爲九十六刻又古時
以平氣置節每節相距均十五日有零今以定
氣置節每節相距遠近悉與日永日短相準立
法尤密也但此按堯典繪圖未便改易謹識其
同異如此

第二十六頁圖十三歲餘十三萬二千九百五十
一分刊本二千訛三千今改

第二十七頁圖二十三日三百七度九分刊本三
百訛二百今改


第三十二頁圖說惟劉牧臆見刊本臆訛意今改
第三十六頁圖內桓圭及躬圭形製尚合惟信圭
竟作平上與剡上之說未符但圖樣無可據改
謹識而存其舊

第四十頁簫圖說長尺二寸刊本二說三據爾雅
注改

第四十一頁圖說大璋刊本璋訛章今改

第四十二頁珪璋琬諸圖俱有分別惟琰圭與陳
祥道剡而有鋒之說不合但圖樣無可據改謹
仍其舊而識之





覆校官編修臣朱依魯

校對官修撰臣張書勲

謄錄舉人臣杜安詩

繪圖監生臣勵守淳

欽定四庫全書薈要

經部

欽定書經傳說彙纂卷首下

詳校官祭酒臣韋謙恒

欽定四庫全書薈要卷七百七十五

經部

欽定書經傳說彙纂卷首下

綱領一 此篇論刪書傳書源流今文古文

禮外史掌三皇五帝之書掌達書名於四方

鄭氏康成曰謂

堯典禹貢達此名使知之

司馬氏遷曰學者多稱五帝尚矣然尚書獨載堯以來而百家言黃帝其文不雅馴薦紳先生難言之

隋經籍志云書之所興蓋與文字俱起孔子觀書周室

得虞夏商周四代之典刪其善者為百篇

孔氏穎達曰聖賢闡教事顯於言言愜羣心書而示法
因號曰書後人見其久遠自於上世尚者上也言此
上代以來之書故曰尚書

林氏之奇曰孔子之前書之多寡不可得而見書緯云
孔子得黃帝玄孫帝魁之書迄於秦穆公凡三千二
百四十篇為尚書斷遠取近定其可為世法者百二
十篇為簡書此說不然古書簡質必不如是之多也

班孟堅藝文志於古今書外又有周書七十一篇劉
向云周時號令蓋孔子所論百篇之餘於周時所刪
去者纔七十一篇自周以前疑愈少矣謂有三千餘
篇非也

許氏謙曰聖人欲納天下於善無他道焉惟示之觀戒
而已故孔子於春秋嚴其褒貶之辭使人知所懼於
書獨存其善使人知所法

以上論
刪書

陸氏德明曰書者本王之號令右史所記孔子刪錄及

秦禁學伏生失其本經口誦二十九篇傳授伏生授

濟南張生千乘歐陽生

字和伯

生授同郡兒寬

御史大夫

寬

又從孔安國受業以授歐陽生之子

歐陽大小夏侯尚書皆出於寬

歐陽氏世傳業至曾孫高作尚書章句為歐陽氏學

高孫地餘

字長賓侍中少府

以書授元帝傳至歐陽歙

字正思後

漢大司徒歙以上八世皆為博士濟南林尊

字長賓為博士論石渠官

至少府太子太傅

受尚書於歐陽高以授平當

字子思下邑人徙平陵官

至丞相子晏亦明經至大司徒及陳翁生

梁人信都太傅家世傳業

翁生授殷宗

琅邪人及龔勝

字君賓楚人右扶風

當授朱普

字公文九江人為博士

及

鮑宣

字子都勃海人官至司隸

後漢濟陰曹曾

字伯山諫大夫

受業於歐

陽歛傳其子祉

河南尹

又陳留陳弇

字叔明受業於丁鴻

樂安牟

長

字君高河內太守中散大夫

竝傳歐陽尚書沛國桓榮

字春卿太子太

傅太

受尚書於朱普

東觀漢紀云榮事九江朱文文即普字

以授漢明

帝遂世相傳東京最盛

漢紀云門生為公卿者甚衆學者慕之以為法榮子郁以

書授和帝官至侍中太常郁子馮復以書授安帝官至太子太傅太尉

張生

濟南人為博士授

夏侯都尉

魯

都尉傳族子始昌

昌邑太傅

始昌傳族子勝

字長公後屬東平長
信少府太子太傅

勝從始昌受尚書及洪範五行

傳說災異又事同郡簡卿卿者兒寬門人又從歐陽

氏問為學精熟所問非一師受詔撰尚書說

尚書章句二十

九號為大夏侯氏學傳齊人周堪

字少卿太子少傅光祿勳

及魯

國孔霸

字次孺孔子十三世孫為博士以書授元帝官至太中大夫號褒成君

霸傳子

光

字子夏丞相光又事年卿

堪授魯國年卿

為博士

及長安許商

字伯

長四至
九卿

商授沛唐林

字子高王莽時為九卿

及平陵吳章

字偉君王

莽時
博士

重泉王吉

字少音王莽時為九卿

齊炅欽

字幼卿王莽時博士

後漢

北海牟融亦傳大夏侯尚書夏侯建

字長卿勝從父兄子為博士議

郎太子少傅

師事夏侯勝及歐陽高左右采獲又從五經

諸儒問與尚書相出入者牽引以次章句為小夏侯

氏學傳平陵張山拊

字長賓為博士論石渠至少府

山拊授同縣李

尋

字子長騎都尉

及鄭寬中

字少君為博士授成帝官至光祿大夫領尚書事

山陽

張無故

字子孺廣陵太傅

信都秦恭

字延君城陽內史

陳留假倉

字

驕以謁者論石渠至膠東相

寬中授東郡趙元

御史大夫

無故授沛唐

尊

王莽太傅

恭授魯馮賓

為博士

後漢東海王良亦傳小夏

侯尚書漢宣帝本始中河內女子得泰誓一篇獻之

與伏生所誦合三十篇漢世行之然泰誓年月不與

序相應又不與左傳國語孟子衆書所引泰誓同馬

鄭王肅諸儒皆疑之漢書儒林傳云百兩篇者出東

萊張霸分析合二十九篇以為數十又采左傳書序

為作首尾凡百二篇篇或數簡文意淺陋成帝時劉

向校之非是後遂黜其書古文尚書者孔惠之所藏

也魯恭王壞孔子舊宅

漢景帝子名餘封於魯諡恭王

於壁中得之

皆科斗文字博士孔安國

字子國孔子十二世孫
官至諫大夫臨淮太守以

校伏生所誦為隸古寫之增多二十五篇又伏生誤

合五篇凡五十九篇為四十六卷安國又受詔為古

文尚書傳不獲奏上藏之私家

藝文志云
未列學官

以授都尉

朝司馬遷亦從安國問故遷書多古文說劉向以中

古文校歐陽大小夏侯三家經文脫誤甚衆都尉朝

授膠東庸生

名譚

庸生授清河胡常

字少子為博
士至部刺史

常授

號徐敖

右扶
風掾

教授琅邪王璜及平陵塗惲

字子
真

惲授

河南乘欽

字君長一本作桑欽

王莽時諸學皆立惲璜等貴顯

范曄後漢書云中興扶風杜林傳古文尚書賈逵

字景

伯扶風人左中郎將侍中

為之作訓馬融作傳鄭元注解由是古

文尚書遂顯於世案今馬鄭所注竝伏生所誦非古

文也孔氏之本絕是以馬鄭杜預之徒皆謂之逸書

王肅亦注今文而解大與古文相類或肅私見孔傳

而祕之乎江左中興元帝時豫章內史枚頤

字仲真汝南人

○隋經籍志作梅賾

奏上孔傳古文尚書亡舜典一篇購不能

得乃取王肅注堯典從春徽五典以下分為舜典篇

以續之

孔序謂伏生以舜典合於堯典孔傳堯典止說帝曰欽哉而馬鄭王之本同為堯典故取

為舜典

學徒遂盛後范甯

字武子順陽人東晉豫章太守

變為今文集

注俗間或取舜典篇以續孔氏齊明帝建武中吳興姚方興采馬王之注造孔傳舜典一篇云於大觔頭買得上之梁武時為博士議曰孔序稱伏生誤合五篇皆文相承接所以致誤舜典首有曰若稽古伏生雖昏耄何容合之遂不行用漢始立歐陽尚書宣帝

復立大小夏侯博士平帝立古文永嘉喪亂衆家之書並滅亡而古文孔傳始興置博士鄭氏亦置博士一人近惟崇古文馬鄭王注遂廢今以孔氏為正其舜典一篇仍用王肅本

李氏延壽曰齊時儒士罕傳尚書之業徐遵明兼通之遵明受業於屯留王聰傳授浮陽李周仁及渤海張文敬李鉉河閒權會並鄭康成所注非古文也下里諸生略不見孔氏注解武平末劉光伯名炫劉士元名焯

始得費魁義疏乃留意焉○劉焯少與炫為友賈馬
王鄭所傳章句多所是非著五經述議行於世炫聰
明博學名亞於焯時稱二劉

劉氏昫曰孔穎達明鄭氏尚書同郡劉焯名重海內穎
達造其門焯初不之禮穎達請質疑滯多出其意表
焯改容敬之

朱子曰諸經皆以注疏為主書則兼取劉敞王安石蘓
軾程頤楊時晁說之葉夢得吳棫薛季宣呂祖謙

真氏德秀曰蔡季默

名沈

西山先生

名元定

季子也從文公

遊文公晚年訓傳諸經略備獨書未及整環視門生
求可付者遂以屬君君沉潛反復數十年然後克就
其書考序文之誤訂諸儒之說以發明二帝三王羣
聖賢用心之要洪範洛誥泰誓諸篇往往有先儒所
未及者

吳氏師道曰東萊呂成公

名祖謙

倡明正學四方來者至

千餘人清江時氏名鑄字壽卿者公同年進士與弟

銀率其家羣從弟子十餘人悉從公遊若澣若瀾若涇尤時氏之秀成公輯書說自秦誓沂洛誥未畢而卒瀾以平昔所聞纂成之

金氏履祥曰朱子傳注諸經略備獨書未及嘗別出小序辨正疑誤指其要領以授蔡氏而為集傳諸說至此有所折衷矣而書成於朱子既沒之後門人語錄未萃之前猶或不無遺漏放失之憾

楊氏士奇曰書傳纂疏元陳櫟輯今讀書傳者率資此

書及董鼎纂注尤詳備學者多未及見

以上論傳
書源流

孔氏臧與弟安國書曰舊章潛於壁室歟爾而見豈非
聖祖之靈欲令講明其道以闡其業曩雖為今學亦
多所不信唯聞尚書二十八篇取象二十八宿何圖
古文乃有百篇邪知以今讐古之隸篆推科斗已定
五十餘篇竝為之傳

家語孔衍上成帝書曰臣祖安國以經學見稱前朝得
古文科斗尚書訓傳其義其典雅正實與世所傳者

不同日而語也光祿大夫向以為其時所未施之故
不記於別錄臣竊惜之

班氏固曰孔氏有古文尚書孔安國以今文字讀之因
以起其家逸書得十餘篇蓋尚書滋多於是矣○劉
向以中古文校歐陽大小夏侯三家經文酒誥脫簡
一召誥脫簡二率簡二十五字者脫亦二十五字簡
二十二字者脫亦二十二字文字異者七百有餘脫

字數十

顏氏師古曰中者天子之
書也言中以別於外耳

范氏蔚宗曰劉陶明尚書為之訓詁推三家尚書及古文是正文字三百餘事名曰中文尚書

孔氏穎達曰伏生所傳三十四篇謂之今文則夏侯勝夏侯建歐陽和伯等三家所傳及後漢末蔡邕所勒石經是也孔所傳者膠東庸生劉歆賈逵馬融等所傳是也鄭玄師祖孔學而賤夏侯歐陽等何意鄭注竝與孔異篇數竝與三家同良由孔注之後其書散逸至晉世始得古文尚書而施行焉然孔注之後歷

及後漢之末無人傳說至晉之初猶得存者雖不列
學官散在民間事雖久遠故得猶存

歐陽氏修曰開元十四年明皇以洪範無偏無頗聲不

協詔改為無偏無陂天寶三年又詔集賢學士衛包

改古文從今文

馬氏端臨曰漢之所謂古文者科斗書今文者隸書也唐之所謂古文者

隸書今文者世所通用之俗字也

劉氏安世曰今之書乃漢所謂尚書若復求孔子所定
之書今不見矣漢承秦火之後諸儒各以所學談經

自濟南伏生以降不獨一人就其中取之獨孔安國古文尤勝諸家則今尚書是也

林氏之竒曰賈馬鄭服皆不見古文尚書至晉齋閒其書漸出及隋開皇二年求遺書得舜典然後五十八篇方備孔氏書始出皆用隸書今之所傳乃唐天寶所定之本也

朱子曰書有古文有今文今文乃伏生口傳古文乃壁中之書大禹謨說命高宗彤日西伯戡黎泰誓等篇

凡易讀者皆古文況又是科斗書以伏生書字文考之方讀得豈有數百年壁中之物安得不訛損一字又卻是伏生記得者難讀此尤可疑今人作全書解必不是○問尚書古文今文有優劣否曰孔壁之傳漢時卻不傳只是司馬遷曾師授如伏生尚書漢世卻多傳者鼂錯以伏生不曾出其女口授有齊音不可曉者以意屬成此載於史者及觀經傳及孟子引享多儀出自洛誥卻無差只疑伏生偏記得難底卻

不記得易底然有一說可論難易古人文字有一般
如今人書簡說話雜以方言一時記錄者有一般是
做出告戒之命者疑盤詰之類是一時告語百姓盤
庚勸諭百姓遷都之類是出於記錄至於蔡仲之命
微子之命罔命之屬或出當時做成底詔誥文字如
後世朝廷詞臣所為者

章氏如愚曰書學不同非伏生之由也蓋古人傳授點
定大義則意見義通無俟乎訓詁之末也生當煨燼

之餘授書於人其所誦者傳之其所忘者闕之於大義既末有害而盤誥聲牙自是書之本體亦非生所改易也典謨貢範同出於生而明白坦亮如彼獨盤誥有艱深焉則其書之所以艱深非齊音使然而世儒之所以疑生者皆非其實也

金氏履祥曰孔壁中不惟有古文諸篇計必兼有今文諸篇安國雖以伏生之書考古文不能復以古文之書訂今文是以古文多平易今文多艱澁

陳氏第曰孔安國古文二十五篇至東晉始顯唐人疏
之始大行於世未有議其為偽者宋吳才老始曰安
國所增多之書皆文從字順非若伏生之書詰曲聲
牙至有不可讀者吳草廬因之曰二十五篇采輯補
綴無一字無所本而平緩卑弱殊不類秦漢以前之
文愚竊以為過也今文自殷盤周誥外若堯典臯謨
甘誓湯誓高宗彤日西伯戡黎牧誓洪範無逸顧命
何嘗不文從字順乎左國禮記諸書稱引二十五篇

彬彬具在今謂作古文者采綴為之是倒置本末而
以枝葉作根幹矣且其紀綱道德經緯人事深沉而
切至高朗而矯健又安見其平緩卑弱乎孔穎達曰
古文經雖然早出晚始得行其詞富而備其義弘而
雅故復而不厭久而愈亮可謂知言也已

以上論今
文古文

綱領二

此篇論尚書大旨體例及書序

禮記疏通知遠書教也

孔氏鮒曰子曰吾於帝典見堯舜之聖焉於大禹皋陶

謨益稷見禹稷臯陶之忠勤功勲焉於洛誥見周公之德焉故帝典可以觀美大禹謨禹貢可以觀事臯陶謨益稷可以觀政洪範可以觀度泰誓可以觀義五誥可以觀仁甫刑可以觀誠通斯七者則書之大義舉矣

董氏仲舒曰禹繼舜舜繼堯三聖相受而守一道○堯舜三王之業皆由仁義為本

楊氏雄曰說事者莫辨乎書○虞夏之書渾渾爾商書

灝灝爾周書噩噩爾

劉氏勰曰子夏歎書昭昭若日月之明離離如星辰之行言昭灼也○尚書覽文如詭而尋理即暢

劉氏知幾曰尚書者七經之冠冕百氏之襟袖學者必先精此書次覽羣籍

司馬氏光曰尚書者二帝三王嘉言要道盡在其中為政之成規稽古之先務也欲求楷模莫盛於此

張子曰欽明文思堯德也濬哲文明溫恭允塞舜德也

舜之德與堯不同蓋聖人有一善之源足以兼天下之善如孟子言堯舜之道孝弟而已矣蓋知所本○堯舜之心其施直欲至於無窮言朔南暨聲教東漸於海西被於流沙是猶有限此外更有去處脩己以安百姓欲得人人如已然安得如此○稽衆舍己堯也與人為善舜也聞言則拜禹也用人惟己改過不吝湯也不聞亦式不諫亦入文王也皆虛其心以為天下也

程子曰人主得堯舜禹湯文武之道則天下享唐虞夏
商周之治○堯與舜更無優劣及至湯武便別孟子
言性之反之自古無人如此說只孟子分別出來便
知得堯舜是生而知之湯武是學而知之文王之德
則似堯舜禹之德則似湯武要之皆是聖人○萬物
皆只是一箇天理已何與焉至如言天討有罪五刑
五用哉天命有德五服五章哉此都是天理自然當
如此人幾時與與則便是私意

曾氏鞏曰唐虞為二典者所記獨其迹耶并與其深微之意而傳之方是時豈特任政者皆天下之士哉蓋執簡操筆而隨者亦皆聖人之徒也

楊氏時曰書存者五十九篇竊以一言蔽之曰中而已矣堯舜禹授受之際豈不重哉而所言止此仲虺稱湯曰建中於民箕子陳洪範曰皇建其有極然則帝之所以為帝王之所以為王率此道也夫所謂中者豈執一之謂哉亦貴乎時中也時中者當其可之謂

也後世昧執中之權而不知時措之宜徇名失實烏足與論聖人之中道哉

朱子曰堯舜禹之相授也曰人心惟危道心惟微惟精惟一允執厥中堯舜禹皆大聖人也生而知之宜無事於學矣而猶曰精曰一曰執者明雖生而知之亦資學以成之也○日新又新昔成湯所以反之而至於聖者正惟學於伊尹而有得於此故稱其德者曰不邇聲色不殖貨利又曰以義制事以禮制心又曰

從諫弗咈改過不吝又曰與人不求備檢身若不及
皆日新之謂也至詩所謂聖敬日躋者則其語意於
日新為至近而敬之一字又見其所以日新之本蓋
不如是則亦何地可據而能日繼其功哉至武王受
師尚父丹書之戒而於几席觴豆刀劍戶牖盥盤莫
不銘焉則亦聞湯之風而興起者皆可以為萬世帝
王之法矣

王氏炎曰為治有定法天下無定時時異則法異雖堯

舜禹相授一道法亦不能無損益分畫九州堯之制也然舜則析為十有二州分命羲和堯之制也至夏則羲和合為一官聖人順人情觀世變立法經治雖不可變古亦不可泥古也

王氏應麟曰仲虺之誥言仁之始也湯誥言性之始也太甲言誠之始也說命言學之始也皆見於商書○湯之誥曰惟皇上帝降衷於下民武之誓曰惟人萬物之靈劉子所謂天地之中子思所謂天命之性孟

子所謂性善淵源遠矣○虞之賡歌夏五子之歌此
三百之權輿也洪範無偏無陂至歸其有極與周禮
大師教以六詩同一機伊訓三風十愆自聖謨洋洋
而下亦叶其音蓋欲日誦是訓如衛武公之抑戒也
陳氏淳曰堯舜禹湯文武更相授受中天地為三綱五
常之主皐陶伊傅周召又相與輔相躋天下文明之
治

董氏鼎曰一書之中其於明德新民之綱修齊治平之

目即堯典已盡其要而危微精一四言所以開知行之端主善協一四言所以示博約之義務學則說命其入道之門為治則洪範其經世之要也他如齊天運則有羲和之厯定地理則有禹貢之篇正官僚則有周官之制度修己任人則有無逸立政諸書煨燼壞爛之餘百篇僅存其半而宏綱實用尚如此故嘗謂六經莫備於書易主卜筮即洪範之稽疑也禮主節文即虞書之五禮也詩主詠歌即后夔之樂教也

周禮設官即周官六卿率屬之事也春秋褒貶即臯謨命德討罪之權也帝王修齊治平之規模事業盡在此書學者其可不盡心焉

方氏孝孺曰堯舜禹功德之盛未足見聖人之大於處盛美而不居然後可見其量也

章氏販曰韓子有言記事者必提其要若天文地理圖書律呂四者皆書之要也

薛氏瑄曰堯典以欽之辭始益稷以欽之辭終則堯舜

傳心之要可知矣○舜之兢兢業業禹之祗台德先
成湯之慄慄危懼文王之小心翼翼皆敬謹之謂也
○人君之德惟明為先書稱堯曰欽明舜曰文明禹
曰明明湯曰克明文王曰若日月之照臨皆言明也
明則在己之理欲判然在人之邪正別白處已處人
萬事皆得其當矣○易雖古於書然伏羲時但有卦
畫而無文辭文辭實始於書故凡言德言聖言神言
心言道言中言性言天言命言誠言善言一之類諸

性理之名多見於書

錢氏與映曰為人君而建極馭寓不可不知書為人臣而為德為民不可不知書為庶人而遵由道路不可

不知書

以上論尚書大旨

孔氏穎達曰書體為例有十一曰典二曰謨三曰貢四曰歌五曰誓六曰誥七曰訓八曰命九曰征十曰範堯典舜典二篇典也大禹謨皋陶謨二篇謨也禹貢一篇貢也五子之歌一篇歌也甘誓泰誓三篇湯誓

牧誓費誓秦誓八篇誓也仲虺之誥湯誥大誥康誥
酒誥召誥洛誥康王之誥八篇誥也伊訓一篇訓也
說命三篇微子之命蔡仲之命顧命畢命罔命文侯
之命九篇命也胤征一篇征也洪範一篇範也此各
隨事而言益稷亦謨也因其人稱言以別之其太甲
咸有一德伊尹訓道王亦訓之類盤庚亦誥也故王
肅云不言誥何也取其從而立功非但錄其誥高宗
彤日與訓序連文亦訓辭可知也西伯戡黎云祖伊

恐奔告於受亦誥也武成云識其政事亦誥也旅獒
戒王亦訓也金縢自為一體祝亦誥辭也梓材酒誥
分出亦誥也多士以王命誥自然誥也無逸戒王亦
訓也君奭周公誥召公亦誥也多方周官上誥於下
亦誥也君陳君牙與畢公之類亦命也呂刑陳刑告
王亦誥也書篇之名因事而立既無體例隨便為文
鄭氏樵曰典謨訓誥誓命孔安國以為書之六體由今
觀之有一篇備數篇之體如大禹謨曰禹乃會羣后

誓師則是謨亦有誓也說命曰王庸作書以誥則是
命亦有誥也以至益稷洪範本謨而不言謨旅獒無
逸本訓而不言訓盤庚梓材本誥不言誥胤征不言
誓君陳君牙不言命大抵五十八篇之中聖人取予
之意各有所主有取於治亂興廢之所由者如典謨
訓誥湯誓之類是也有世不得以為治而有取其言
以傳遠者如五子之歌君牙罔命是也有取其事者
胤征是也有取其意者呂刑是也有特記其時者文

侯之命是也有以示戒勸者費秦誓是也與三百篇之美刺二百四十二年之褒貶無以異也

朱子曰古史之體可見者書春秋而已春秋編年通紀以見事之先後書則每事別記以具事之首尾意者當時史官既以編年紀事至於事之大者則又採合而別記之若二典所記上下百有餘年而武成金縢諸篇其所紀理或更歲月或歷數年其間豈無異事蓋必已具於編年之史而今不復見矣

董氏鼎曰陸德明以六體分正攝蓋以典謨訓誥誓命
名篇者為正不以名篇而在六體之類者為攝然古
之為書者隨時書事因事成言取辭之達意而已豈
如後之作文者求必合體制也孔氏以六體言大槩
已舉雖不以六字名篇合其類則是亦正也何以攝
為

陳氏櫟曰書體有六典謨訓誥誓命是也今篇名元有
此六字者固不待言矣其無此六字如太甲咸有一

德旅葵無逸立政訓體也盤庚西伯戡黎微子多士
多方君奭周官誥體也肅征誓體也君陳君牙呂刑
命體也雖其間不無簡編之殘斷字語之舛訛然上
自堯舜之盛下逮東周之初二千餘年之事猶賴此
可考焉

以上論
書體例

孔氏穎達曰書序鄭玄馬融王肅竝云孔子所作依緯
文也百篇凡六十三序

林氏光朝曰序乃歷代史官相傳以為書之總目猶詩

之有小序也

朱子曰某看得書小序不是孔子自作只是周秦間低手人作然後人亦自理會他本意未得且如臯陶矢厥謨禹成厥功帝舜申之申重也序者本意先說臯陶後說禹謂舜欲令禹重說故將申字係禹字蓋伏生書以益稷合於臯陶謨而思曰贊贊襄哉與帝曰來禹汝亦昌言禹拜曰都帝予何言予思曰孜孜相連申之二字便見是舜令禹重言之意此是序者本

意今人都不如此說○小序斷不是孔子做○問除書序不以冠篇首者豈非有所疑於其間邪曰誠有可疑且如康誥第述文王不曾說及武王只有乃寡兄是說武王又是自稱之詞然則康誥是武王誥康叔明矣但緣其中有錯說周公初基處遂使序者以為成王時事此豈可信曰然則殷地武王既以封武庚而使三叔監之矣又以何處封康叔曰既言以殷餘民封康叔豈非封武庚之外將以封之乎又曾見

吳才老辨梓材一篇云後半截不是梓材緣其中多是勉君乃臣告君之詞未嘗如前一截稱王曰又稱汝為上告下之詞亦自有理

馬氏廷鸞曰書序自為一編故以昔在帝堯起於篇首後接舜典則曰虞舜側微接禹謨則曰皋陶矢厥謨禹成厥功益足證古序自為一篇而相續之辭如此蓋史氏舊文也

何氏異孫曰書序東萊呂氏以為皆孔子文而朱文公

悉以為非蔡傳以為周秦間人文字有合經處中間
略有得春秋意者如武成洪範費誓秦誓數篇東萊
見一二處中有似春秋遂以為皆孔子之書不知各
篇元自有史官叙作書之意儘自明白

金氏履祥曰前漢書言張霸采左傳書叙作書首尾後
漢書言衛宏作詩序衛宏之云朱子嘗引之以證詩
序之偽矣獨書序疑而未斷方漢初時秦誓且有偽
書何況書序之類且孔傳古文其出最後則其為齊

魯諸儒次第附會而作序亦可知也

朱氏升曰古文書序自為一篇孔注移之各冠篇首序
文與書本旨往往不協蔡氏置於後以存其舊蓋朱
子所授之旨也

以上論
書序

綱領三

此篇論讀書之法及諸家書解得失

王氏通曰昔聖人之述書也帝王之制備矣故索焉而
皆獲

張子曰尚書難看蓋難得胸臆如此之大只欲解義則

無難也書稱天應如影響其禍福果然否大抵天道
不可得而見惟占之於民人所悅則天必悅之所惡
則天必惡之只為人心至公也至衆也民雖至愚無
知惟於私已然後昏而不明至於事不干碍處則自
是公明大抵衆所向者必是理也理則天道存焉故
欲知天者占之於人可也

程子曰看書須要見二帝三王之道如二典即求堯所
以治民舜所以事君○三代忠質文其因時之尚然

也夏近古人多忠誠故為忠忠弊故救之以質質弊
故救之以文非道有弊也後世不守故浸而成弊雖
不可以一二事觀之大槩可知○漢儒之談經也以
三萬餘言明堯典二字可謂知要乎惟毛公董相有
儒者氣象

朱子曰聖人千言萬語只是說箇當然之理恐人不曉
又筆之於書自書契以來二典三謨伊尹武王箕子
周公孔孟都只如此可謂盡矣只就文字閒求之句

句皆是做得一分便是一分工夫非茫然不可測也
但恐人自不子細求索之耳○問尚書難讀蓋無許
大心胸他書亦須大心胸方讀得如何程子只說尚
書曰他書卻有次第且如大學自格物致知以至平
天下有多少節次尚書只合下便大如堯典自克明
俊德以親九族至黎民於變時雍展開是大小大分
命四時成歲便是心中包一箇三百六十五度四分
度之一底天方見得恁地若不得一箇大底心胸如

何了得○尚書初讀甚難似見於已不相干後來熟讀見堯舜禹湯文武之事皆切於已○尚書先將文義分曉者讀之聾牙者且未讀如二典三謨等篇義理明白句句是實理堯之所以為君舜之所以為臣皋陶稷契伊傅皋所行最好綢繆玩味體貼向自家身上來其味自別○問鄭可學尚書如何看曰須要考歷代之變曰世變難看唐虞三代事浩大濶遠何處測度不若求聖人之心如堯則考其所以治

民舜則考其所以事君且如湯誓湯曰予畏上帝不敢不正熟讀豈不見湯之心大抵尚書有不必解者有須著意解者不必解者如仲虺之誥太甲諸篇只是熟讀義理自分明何俟於解如洪範則須著意解如典謨諸篇辭稍雅奧亦須略解若如盤庚諸篇已難解而康誥之屬則更不可解矣○學者須是有業次且如讀堯舜典歷象日月星辰律度量衡五樂五禮之類禹貢山川洪範九疇須一一理會令透今人

只做得西漢以下工夫無人就堯舜三代原頭處理
會來○問書當如何看曰且看易曉處其他不可曉
者不要強說縱說得出恐未必是當時本意○尚書
中盤庚五誥之類實是難曉若要添減字硬說將去
儘得然只是穿鑿終恐無益耳○如堯典舜典皋陶
謨益稷出於伏生便有難曉處如載采采之類大禹
謨便易曉如五子之歌胤征有甚難記卻記不得至
如泰誓武成皆易曉只牧誓中便難曉如五步六步

之類如大誥康誥夾著微子之命穆王之時罔命君

牙易曉到呂刑亦難曉便是未易理會○商書中伊

尹告太甲五篇

伊訓太甲三篇咸有一德

說得極切其所以治心

修身處雖為人主言然初無貴賤之別宜取細讀今

人不於此等處理會卻只理會小序○書中周公之

言便難讀立政君奭之篇是也最好者惟無逸一書

中間用字亦有譎張為幻之語至若周官蔡仲等篇

卻是官樣文字必出於當時有司潤色之文非純周

公語也○問書何緣無宣王書曰是當時偶然不曾

載得○尚書只是虛心平氣闕其所疑隨力量看教

浹洽便自有得力處不須預為計較必求赫赫之功

也○道夫請點尚書以幸後學曰某今無工夫曰先

生於書既無解若更不點則句讀不分後人承舛聽

訛卒不足以見帝王之淵懿曰公豈可如此說馬知

後來無人道夫再三請之曰書亦難點如大誥語句

甚長今人却都碎讀了所以曉不得某嘗欲作書說

竟不曾成如制度之屬祇以疏文為本若其他未穩處更與挑剔令分明便得

黃氏鎮成曰道德仁聖統乎心制作名物達於事內外之道合而帝王之政備矣然統乎心者先後古今脗合無二達於事者儀章器物因革無存故求帝王之心易而考帝王之事難

薛氏瑄曰古人叙事之文極有法如禹貢篇首以敷土奠高山大川為一書之綱次冀州以王畿為九州之

首次八州次導山次導水以見經理之先後次九州
四隩九川九澤四海以結經理之效次制貢賦立宗
法祇台德先分五服以述經理之政事而終之以聲
教訖于四海執圭以告厥成功始終本末綱紀秩然
非聖經其能然乎○洪範篇造化氣數天理人事皆
具書之易也○一五行之疇於八疇無不包誠以五
行一陰陽也陰陽一太極也太極本無極也天下之
理豈有出於無極太極之外者哉其旨深矣○二五

事踐形盡性之學備於此○典謨仲虺成湯伊傅諸

書尤切於學者

以上論讀書之法

歐陽氏修曰箕子陳洪範條其事為九類別其說為九章考其說不相附屬劉向為五行傳廼取五事皇極庶徵附於五行以為八事皆屬五行與則至於八政五紀三德稽疑福極之類又不能附至俾洪範之書失其倫理所謂旁引曲取而遷就其說也然自漢以來未有非之者

朱子曰尚書注疏程張之外蘓氏說亦有可觀但終是不純粹林少穎說呂誥已前亦詳備聞新安有吳才老裨傳頗有發明卻未曾見諸家雖或淺近要亦不無少補但在詳擇之耳不可以篇帙浩汗而遽憚其煩也○諸說蘓氏傷於簡林氏傷於繁王氏傷於鑿呂氏傷於巧然其間儘有好處○書疏載在璿璣玉衡處先說箇天今人讀著亦無甚緊要以某觀之若看得此亦可以粗想象天之形與日月星辰之運進

退疾遲之度皆有分數而厯數大槩亦可知矣○古
人說話皆有源流荆公解聰明文思處牽合洪範之
五事此卻是穿鑿如小旻詩云國雖靡止或聖或否
民雖靡盬或哲或謀或肅或艾卻合洪範五事此人
往往曾傳箕子之學劉文公云人受天地之中以生
等語亦是有所師承不然亦必曾見上世聖人之遺
書大抵成周時於王都建學盡收得上世許多遺書
故其時人得以觀覽而剽聞其議論當時諸國想亦

有書若韓宣子適魯見易象與魯春秋但比王都差
少耳故孔子看了魯國書猶有不足得孟僖子以車
馬送至周入王城見老子因得徧觀上世帝王之書
○胡安定書解未必是安定所注行實之類不載但
言行錄上有少許不見有全部專破古說似不是胡
平日意又間引東坡說東坡不及見安定必是偽書
○曾彥和名熙豐後人解禹貢林少穎吳才老甚取
之○林書儘有好處但自洛誥已後非他所解○問

書解誰者最好莫是東坡書為上否曰然又問但若失之簡曰亦有只消如此解者又云說著處直是好他看得文勢好又筆力過人發明得分外精神○尚書句讀王介甫蘓子瞻整頓得數處甚是見得古注全然錯○胡氏闢得吳才老解經亦過當才老於考究上極有功夫只是義理上自是看得有不予細○因論書解必大曰舊聞一士人說注疏外當看蘓氏陳氏解曰介甫解亦不可不看書中不可曉處先儒

既如此解且只得從他說但一段訓詁如此說得通
至別一段如此訓詁便說不通不知如何○荊公不
解洛誥但云其間煞有不可強通處今姑擇其可曉
者釋之今人多說荊公穿鑿他卻有如此處若後來
人解書又卻須要解盡○李經叔異伯紀名丞相弟
解書甚好亦善考證○呂伯恭解書自洛誥始某問
之曰有解不去否曰也無及數日後謂某曰書也是
有難說處今只是強解將去爾要之伯恭卻是傷於

巧○向在鵞湖見伯恭欲解書云且自後面解起今
解至洛誥有印本是也其文甚閼熟某嘗問伯恭書
有難通處否伯恭初云亦無甚難通處數日問卻云
果是有難通處○後數年再會於衢伯恭始謂予曰
書之文誠有不可解者甚悔前日之不能闕所疑也
伯恭所以告予者雖其徒或未必知讀者知求伯恭
晚所欲闕者而闕之庶幾得其所以書矣○元祐說
命無逸講義及晁以道葛子平程泰之吳仁傑數書

可便參訂序次當以注疏為先疏節其要者以後只
以時世為先後西山間有發明經旨處固當附本文
之下其統論即附篇末記得其數條理會點句及正
多方多士兩篇可併考之○史丞相名書亦有好處
如命公後衆說皆云命伯禽為周公之後史云成王
既歸命周公在後看公定予往已一言便見得是周
公且在後之意○薛士龍名季宣書解其學問多於地
名上有功夫

陳氏振孫曰陸佃農師撰二典義通考一卷佃為王氏
學長於考訂○葉少蘊名夢得博極羣書強記絕人書
與春秋之學視諸儒為最精○鄭樵漁仲撰通考七
卷其目曰糾繆四闕疑一復古二樵以遺逸召用博
聞洽見然近迂僻

方氏岳曰滕溪齋先生

名璘

與其弟合肥令君

名珙

同登晦

翁之門學者謂之新安兩滕和叔

名鉛

漸涵於二父之

淵源披剝於百家之林藪著尚書大意

黃氏震曰經解惟書最多至蔡九峰參合諸儒要說嘗經朱文公訂正其釋文義既視漢唐為精其發指趣又視諸家為的

董氏鼎曰安國之傳不無可疑而穎達之疏惟詳制度至宋諸儒數十家而後其說漸備又得文公朱子有以折其衷而悉合於古雖集傳之功未竟而委之門人九峰蔡氏既嘗親訂定之則猶其自著也

陳氏櫟曰余編書傳宗朱蔡采諸家附已見大略與深

山董氏相類第不盡載蔡傳於前爾

戴氏表元曰雙溪王先生

名炎

著尚書小傳訓詁家所未

及於時文公假令尚在當有莫逆於言辭文字之間者

黃氏潛曰許白雲先生

名謙

書說時有與蔡氏不能盡合

者要歸於是而已

李氏初曰九峰蔡氏親受朱子指畫作為集解其微辭隱義諸家或所未發蔡氏亦止據其所長而采之使

當時復有他說則亦必在所不遺矣

歸氏有光曰王荊公曾文定公皆有洪範傳其論精美

遠出二劉

敞

二孔

武仲
平仲

之上

李氏維楨曰金壇王中丞

名樵

日記裒錄百家訓詁於經

旨多所發明

都氏穆曰朱子於經傳多有訓釋惟尚書則否蓋以其
多錯簡脫文非古文之全也蔡氏書傳序云二典禹謨
先生蓋嘗是正則其他固未之及世所傳有朱子書

說蓋當時門人取語錄文集中語以成之非朱子意


也
以上論諸家
書解得失

欽定書經傳說彙纂卷首下

謹按第十頁後八行高宗彤日刊本彤訛彤今改

第二十六頁後六行展開是大小大句疑有誤

第三十六頁前七行蓋以其多錯簡脫文刊本闕
文字今增



覆校官編修

臣

朱依魯

校對官修撰

臣

張書勲

謄錄監生

臣

丁芳炎